

SETANEOEI

No. 393 Av. 1920.

Aligamoi Solnaltijti

RIMOUSKI, P. Q.

LE MESSAGER MICMAC

Petit Journal Mensuel publié par le R. P. Pacifique, Missionnaire, à Sainte Anne de Ristigouche, P. Q. Paraît le 1er du mois. Abonnement, 50 sous Europe 3 frs. Prendre un ou plusieurs abonnements en faveur des sauvages pauvres.



THE MICMAC MESSENGER

A Monthly Newspaper for
PORT HOOD, N. S.
Rév. D. McPherson, oct 1, 21

mac Messenger, Ristigouche, P. Q. Write for free Sample Copies to the Manager S. Vachon, Rimouski, P. Q.

OESTAOLG GLOTJIEOGTOT

Sapeoig goeltamolting, eolitelmanetj, teli gsalolgos. Lóg msegetasoltinetj angamogo tan oen gisolgos teli eponeg pegisolsit teli amasgoipelnos negela gagamateoalseolgoeg, gagi gotatógsep omaltem agapitjineg misógo nesisgel atjietjel. Eloigeneg tesigel eoigasigel tan teli gelosis glotjioeigtog, oetji mosgatolg tan teli gsalolg. Temg eta nangemio gisi glatgoetós, teli gsi onmatjeges tjel pesgelamis eteg : Notj apigsigto nagala, mo ógotj getjitotigo tan telatagatitij. Oettaoagtemolgos apigsigtoagan. Tjel mo pegitjenog oetapesis neogtetjit oegela gemotnes, pógthji getlamsetoasanel Oestaolgol, aniapsis ag alasotmas : Nsagmam, migoitelmitesg, gtelegeoaging gisgatpasin; elsepenel : Getel pa telimol, gisgog olóigtog elmi oitjetitesno. Oen ta gino mógoe gsatemog telgig onotemen ? Gigtjitanetj tóg ag tlimanetj : Nsagmam, eolitelmin, ogsoalin ggamlamonigtog. Sisteoei elamasanel eoetjijitjel Malial oetjoóo gagamiliteg, teltemiliteg teli gsinogoatj ag nagalatjél; tógog elp Sanal petjili gsalasanel, elasanel ogoitjel : Gil gtjisapeoin epiteoin, ola nogo ggois; tógog Sanal; Ola nogo ggitj. Ag oetjategemg oig angoioasanel. Eln tepetog oen ntaoitetteo tan telgig istoóti ? Nogo Sesos mógoe aptj gelosiog misógo nesisgel atjietjel, oantagóigtog gesi aosami atignasit, npoagani gsinogoatj ellogoatg gostógonemino, oatjoiag tan teli onmatjipelnot. Pegenitpag osgitgamog ag teli msegig onmatjitasoagan igag eoletjg ogoamlamon tjel gipgoat gesigaoet : Nisgam Nsagmam, gógoei ogtjit

ponatjin ? Teleg tóg istege ponaltjel otjel oasóg epilitjel; mógoe aptj eitnog tan gógoei ogtji atjipelnos. Tógog aptj tliisip gesigaoet : Geto samogoi. Ansema na oetjiagsep aosamgig onmatjótigtog, gato elp tan aosamitetges gnatgaspegalogenena metoegigtog, iaptji gtosamo-goamgeoeigtog. Ag nenemóg tan oetsamogótelot oisganeg ag tepinegleoeieg. Na teli iolalogo ngotei gino teli eloeoltigo. Nogo mógoe aptj eitnog tan gógoei gisi atjatóg tan tli ogsetaolgotego; na ogtjit asogómoei teloeat : Mset nogotj gógogel gagi gisgatjiag. Net ogtetjg otjel meselmatjel, elatjel : Notj, mestanemol ntjitjagamitj, pegatjótemoi. Togo etjingoasis ag ogtjit gino egolamis. Natji mtógoalanetj tóg glotjioeigtog; menagatj gtjitjionetj ogtjit gino na telegsep; eolitelmanetj, moioalanetj, osgagelmanetj ag metj atji gsalanetj tan tetotji gisi pgoatogo; neogtigisgeg ogsótemenetj alasotmagan, angitasoltinetj ag olatagatinetj. Tes goeltamolting gisna glotjioei nagoeg minoitemenetj tan teli gsi olalolgos, megitetemenetj tan Gtjinisgam petjili gsaloeit teli mgótig omaltemigtog apattelolgos.

AGNOTEMAGANTJITJEL

TLGATIGETJG — 19 tesogonitj galemeoimgeoei tepg.—Gotjino pilei gtjipatlías limotjiggeoatj tetli mitogoes tan negem pa tetli ogsitgamois 1876 ag elp tetli patliaseoalos. Pigoelgig mimatjoinog tegótemititj, oegóo tapositjg tjinemog oetjatitjg gesgapegiag Pilip Maltan ag Tjim Sataiò. Mesgig teli pestieoimges.